



Ulloq: 29. juni 2026
Allaffik: Nordatlantkontoret
Sul.sulia: Christine Elbrønd Kuus
Suliap normua: 2024-02620
Takussutissiaq: 3183165

MISSINGIUT

Pigisat agguarneqarnerannik ingerlatsisutut akuersissuteqartarneq pillugu Kalaallit Nunaannut nalunaarut

Aappariit akornanni pigisat agguarneqartarnerat il.il. pillugit inatsisip Kalaallit Nunaannut atuutilersinneqarnera pillugu peqqussummi nr. [...] -imi, [...] -imeersumi § 45, imm. 2 malillugu aalajangersarneqarpoq:

Kapitali 1

Akuersissuteqarneq

§ 1. Nunatsinni Eqqartuussivimmi eqqartuussisut qullersaannit aamma Nunatta Eqqartuussisuuneqarfiani eqqartuussisuunerit qullersaannit innersuussinerup kingorna, pigisat agguarneqarnerannik ingerlatsisut inatsiseqarnermut ministerip akuersissuteqarfigissavai.

Imm. 2. Akuersissuteqarneq qinnuteqarnerup kingorna pissaaq. Pigisat agguarneqarnerannik ingerlatsisutut atorfinitsinneqarnissaq pillugu inuttassarsiuineq Nunatsinni Eqqartuussivimmi eqqartuussisut qullersaannit suliarineqassaaq.

§ 2. Inunnut inatsisilerinermi kandidatit ilinniarsimasunut, inatsisilerinermut tunngasunik suliaqarnermik suliaqartunut, akuersissuteqarneq nalunaarutigineqarsinnaavoq.

Imm. 2. Piginnittup piffissap erseqqinnerusumik aalajangerneqartup qaangiutinnginnerani aappariit pigisaasa agguanneqartarnerat pillugu ilinniaqqinnissaa, akuersissuteqarnermut piumasaqaatigineqarsinnaavoq.

Imm. 3. Akuersissut piffissamut ukiunik 10-nik sivilutigisumut nalunaarutigineqassaaq.

Imm. 4. Suliffik inuttassarsiutigeqqinnagu, akuersissut nalunaarutigineqarsimasoq qinnuteqarnerup kingorna piffissamut killilimmut nutaamut ukiunik 10-nik sivilutigisumut sivitorneqarsinnaavoq. Tamanna pillugu qinnuteqaat akuersissutip nalunaarutigineqarsimasup naannginnerani siusinnerpaamik ukioq ataaseq aamma qaammatit marluk aamma kingusinnerpaamik ukioq ataaseq naatinngu Nunatsinni Eqqartuussivimmi eqqartuussisut qullersaannut tunniunneqassaaq. Nunatsinni Eqqartuussisuuneqarfimmi eqqartuussisuunerit qullersaat aqutugalugu Nunatsinni Eqqartuussivimmi eqqartuussisut qullersaata qinnuteqaat Civilstyrelsimut nassiutissavaa. Nunatsinni Eqqartuussivimmi eqqartuussisut qullersaat aamma Nunatsinni Eqqartuussisuuneqarfimmi eqqartuussisuunerit qullersaat qinnuteqaat akuerineqartariaqarnerasoq pillugu innersuussuteqassapput. Qinnuteqaat akuersissutip nalunaarutigineqarsimasup naannginnerani ukiumik ataatsimit kingusinnerusumik Nunatsinni Eqqartuussivimmi eqqartuussisut qullersaannut tunniunneqarsimasoq, pissaliussap qaangerneqarnera naleqquttumik tunngavilersorneqarpat, Civilstyrelsip suliarisinnaavaa.

Imm. 5. Pigisat agguarneqarnerannik ingerlatsisutut suliffik inuttassarsiorneqassasoq imaluunniit atorunnaarsinneqassasoq, Nunatsinni Eqqartuussivimmi eqqartuussisut qullersaannit innersuussinerup kingorna, Inatsiseqarnermut ministerip aalajangersinnaavaa. Akuersissuteqarnerup nalunaarutigineqarnerata kingorna ukiut pingasut qaangiukkaangata innersuussineq tunniunneqartarsinnaavoq. Innersuussineq pillugu pigisat agguarneqarnerannik ingerlatsisoq Nunatsinni Eqqartuussivimmi eqqartuussisut qullersaata nalunaarfigissavaa.

Imm. 6. Pigisat agguarneqarnerannik ingerlatsisutut akuersissut inunnut akuersissutaavoq aamma tunniunneqarsinnaanngilaq.

§ 3. Pigisat agguarneqarnerannik ingerlatsisutut akuersissut, pigisat agguarneqarnerannik suliassat, Nunatsinni Eqqartuussivimmit innersuunneqartut, suliarineqarnissaannik pisussaaffimmik kinguneqarpoq.

Imm. 2. Pissutsit immikkut ittut pissutaappata, pigisat agguarneqarnerannik ingerlatsisumit noqqaassuteqarnerup kingorna, taassuma pigisat agguarneqarnerannik ingerlatsinermik pisussaajunnaarnera, Nunatsinni Eqqartuussiviup aalajangersinnaavaa.

§ 4. Pigisat agguarneqarnerannik ingerlatsisutut akuersissutulliuttut pippata atorunnaassaaq

- 1) § 2, imm. 4 malillugu tamanna sioqqullugu inatsiseqarnermut ministeri sivitsuinissaq pillugu aalajangiisimangippat, akuersissuteqarnermut piffissaliussap naanerani,
- 2) § 2, imm. 5 malillugu inatsiseqarnermut ministerip aalajangiinerata kingorna qaammatit 6 qaangiunneranni,
- 3) inatsisilerinermut tunngasunik suliaqarnermik sulisinnaatitaanerup atorunnaarsinneqarnerani, imaluunniit
- 4) ilinniarneq tamanna sioqqullugu naammassineqarsimangippat, ilinniaqqinnissamut piffissap aalajangerneqartup naanerani.

§ 5. Tulliut pippata, pigisat agguarneqarnerannik ingerlatsisutut akuersissut Inatsiseqarnermut ministerip utertissinnaavaa

- 1) napparsimaneq pissutigalugu piginnittoq piffissami sivisunerusumi najuussimangippat,
- 2) pigisat agguarneqarnerannik ingerlatsisutut pisussaaffini annertuumik qaangiinnarsimappagit, imaluunniit
- 3) pissutsit immikkut ittut pissutigalugit.

Imm. 2. Akuersissutip utertinneqarnissaanut pissutsit pissutissaqalersitsisinnaasut pillugit, Nunatsinni Eqqartuussivimmi eqqartuussisut qullersaata Civilstyrelsen nalunaarfigissavaa.

§ 6. Pigisat agguarneqarnerannik ingerlatsisoq, qaammammik ataatsimik ilimasaarilluni akuerisaasumik pigisat agguarneqarnerannik ingerlatsisutut suliffimminit pisussaajunnaarsinneqarnissani qinnutigisinnaavaa. Pisussaajunnaarsinneqarneq pillugu qinnuteqarneq Nunatsinni Eqqartuussivimmi eqqartuussisut qullersaat aqutigalugu Civilstyrelsimut tunniunneqassaaq.

§ 7. Akuersissutip atorunnaarsinneqarnerani, pigisat agguarneqarnerannik ingerlatsisup akuersissutini Civilstyrelsimut tunniutissavaa, taassumalu Nunatsinni Eqqartuussivik nalunaarfigissavaa.

Kapitali 2

Pillaatissiineq aamma atuutilersitsineq

§ 8. Inuk, pigisat agguarneqarnerannik ingerlatsisutut akuersissuteqarani taamatut taagortoq, imaluunniit taaguummik, tassunga paarlaanneqarsinnaasumik atuisoq, annertuumik

pineqaatissiineritinatsisiliorneq alla malillugu naleqqunnerunngippat,
akiliisitsissummik eqqartuunneqassaaq.

§ 9. Nalunaarut ulloq 1. november 2026 [...] atuutilissaaq.

Inatsiseqarnermut ministereqarfik, ulloq [...]

Nicolai Wammen

/ Lennart Houmann